



KABINET DIREKTORA

88000 Mostar, Dubrovačka bb.
Tel. +387 36 445 670
Fax.+387 36 445 693
e-mail:ured.direktora@fzmioplo.ba
71000 Sarajevo, Ložionička broj 2.
Tel. +387 33 723 125
Fax.+387 33 723 200

BROJ: FZ1/3-04-7-497-2/21
Sarajevo, 12.05.2021. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Kabinet sekretara

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prmijeno: 17-05-2021			
Org. jed.	Broj	Priloga	Vrijednost
05/2	-02-	157	121

PREDMET: Odgovor na upit, dostavlja se
Veza: Vaš akt, broj: 05/2-02-157/21 od 04.05.2021. godine

Poštovani,

Uvaženi zastupnik g. Kapić Jasminko, postavio je zastupničko pitanje kojim traži obrazloženje zašto Krcić Merima iz Maglaja, kao udova poginulog borca Krcić Huse, rođenog 22.01.1956. godine, nije ostvarila pravo na porodičnu penziju.

Uvidom u predmetni spis utvrđeno je da je privremenim rješenjem Kantonalne administrativne službe ovog Zavoda u Zenici, MB :1166090337 od 22.11.2018. godine, Krcić Merimi, udovi Huse, priznato pravo na porodičnu penziju u skladu sa članom 70. stav 9. Zakona o penzijskom i invalidskom osiguranju ("Sl.novine FBiH", broj:13/18) počev od 01.03.2018. godine u iznosu najniže penzije.

Privremeno rješenje je doneseno iz razloga što u momentu donošenja istog nadležnoj službi Federalnog zavoda gore imenovana nije dostavila uvjerenje o statusu udove šehida izdato od strane nadležnog organa.

Dana 30.09.2019. godine, Kantonalna administrativna služba ovog Zavoda u Zenici zaprimila je uvjerenje Općine Domaljevac- Šamac, Služba za civilnu zaštitu i branitelje iz domovinskog rata, broj: 05-41-1469/19 od 26.09.2019.godine, u kojem je između ostaloga navedeno da se imenovana ne vodi u evidenciji kao korisnik prava prema Zakonu o pravima branilaca i članova njihovih porodica.

Osim toga, uvjerenjem Općine Maglaj, broj: 03-41-7-1113/19 od 13.11.2019. godine potvrđeno je da se imenovana ne nalazi u evidenciji kao korisnik prava prema Zakonu o pravima branilaca i članova njihovih porodica, te da joj je pravo na porodičnu invalidninu prestalo rješenje, broj: 03-41-2-1810/19 od 14.05.2010. godine.

Navedenim rješenjem, između ostaloga, odlučeno je da Krcić Merimi, prestaje pravo na porodičnu invalidninu zaključno sa 31.12.2004. godine, zbog stupanja u vanbračnu zajednicu sa Suljaković Ekremom iz Maglaja.

S tim u vezi, odredbom člana 70. stav (9) Zakona o penzijskom i invalidskom osiguranju propisano je da izuzetno od uslova propisanih u st. (1) do (8) ovog člana, **udovica šehida, odnosno poginulog branilca**, ima pravo na porodičnu penziju kada navrši 45 godina života.

Uzimajući u obzir da je nadležna služba ovog Zavoda naknadno utvrdila da imenovana u momentu podnošenja zahtjeva za ostvarivanje prava na porodičnu penziju u skladu sa članom 70. stav (9) Zakona o penzijskom i invalidskom osiguranju nije imala status udove šehida, ista je shodno zakonskim odredbama donijela odgovarajuće rješenje, broj: FZ7/2/1-35-3-49770-21/18 od 02.11.2020. godine kojim je imenovanoj prestalo pravo na porodičnu penziju.

Odredbom člana 120. stav (1) istog Zakona propisano je da prava iz penzijskog i invalidskog osiguranja prestaju u slučaju kad se naknadno utvrdi da nisu bili ispunjeni uslovi za ostvarivanje prava.

Napominjemo, da Vam nadležne službe ovog Zavoda i ubuduće stoje na raspolaganju u pružanju potrebne stručne pomoći u rješavanju spornih pitanja iz oblasti penzijskog i invalidskog osiguranja.



DIREKTOR
mr. Zijad Krnjić